

جریده علمیہ

مشتت جلیله اسلامیہ مک جریده رسمیه سیدر
اوائل ربیع الاول ۱۳۳۳

برنجی سنہ آیدہ بر نشر النور عدد : ۹

فتاویٰ شریفہ

دولت عثمانیہ نك اجزاء ممالك كندن بولنان مصر ایالتندہ حاکمیت مقدسہ خلافتیناہی بی اخلاص وایالت مذکورہ بی انكترہ نك تحت حاکمیتندہ ادخالہ بادی اولہ حق حرکت منقورہ سندن طولایی خدیو اسبق حسین کامل حقندہ ترتب ایدن احکام شرعیہ بی محتوی فتاویٰ شریفہ صورتیدر : [*]

لومر مصر ملیہ سده احمدیہ

زید مسلم خلافت اسلامیہ علیہنہ حرب ایتمکہ بولنان انكترہ
حکومتیله برلشہ ركن دولت عثمانیہ مک اجزاء ممالك كندن بولنان مصر

[*] طرف سائی مدارتیناہیدن مرسل ۶ صفر ۱۳۳۳ تاریخلی و۱۳۶ خصوصی عددلی تذکرہ سامیہ صورتیدر:

دولت عثمانیہ نك رتبہ وزارتلی ومختلف نشانلرخی حائر وحامل بولنان خدیو اسبق اسماعیل پاشا زادہ حسین کامل پاشانك اجزاء ممالك عثمانیہ دن اولان مصرایات ممتازہ سندنہ دولت عثمانیہ ایله حال حربده بولنان انكترہ حکومتی ایله اشتراك ایدہ ركن وایالت مذکورہ ده حکومت مزبورہ طرفندن وضع واعلان

ایالتی قلمرو خلافت اسلامیہ دن اخراجہ و انکلتہ ممالکی عداوینہ ادخالہ
بالتصدی حکومت مذکورہ مک حایہ سندہ تسلطن ایلمہ اللہ ذوالعظمتہ
والجلالہ و رسول کبریایہ و جماعت مسلمینہ خیانت شنیعہ دہ بولشمش اولورمی

الحکومت موریتانیہ الاسلامیہ

اولور



بو صورتہ زید باغی اولہ رق از الہ سی واجب اولمخلہ تصدی ایتدیکی

اولنان حایہ بی قبول ایلمہ رک «ملک المصر» عنوانیہ تأسیس حکومت ایلمدیکی باب عالیجہ اجراقلنان تحقیقات
ایلمہ تحقق اتمش اولغله حقندہ کی وجہ شرعینک بیان بیورلسی بایندہ امر و ارادہ حضرت من لہ الامر کردہ

صدراعظم

محمد سعید

طرف عالی مشیختناہیدن جوابا یازیلین ۶ صفر ۱۳۳۳ تاریخی و ۷۸ عددی تذکرہ علیہ صورتیدر :

دولت عثمانیہ نک اجزاء ممالکندن بولنان مصر ایالندہ کی حاکمیت مقدسہ خلافتناہی بی اخلاہ
وایالت مذکورہ بی انکلتہ حکومتک تحت حاکمیتہ ادخالہ بادی اولہ جق حرکت منفورہ سندن طولانی
حسین کامل پاشا حقندہ ترتب ایدن احکام شرعیہ بی متضمن فتاوی شریفہ لفا صوب سامی و کالتناہیلرینہ
تسیار قلنسغله اولبابدہ امر و ارادہ حضرت من لہ الامر کردہ .

شیخ الاسلام

خیری

دعوادن رجوع ایتیموب خلیفہ مسلمینہ اطاعتدن ابا ایدرسہ فقاموا التی
تبقی حتی تنفی الی امرالله نص کریمی موجبہ قتلی عامہ مسلمینہ واجب
اولورمی

الحکامان سورہ ابعالی علم



اولور


بوصورته زید بوصرکات فضیه و افعال شینہ وفادیه سک جراسی
اولان اش عقوباته و حتی قلک مستحق اولورمی

الحکامان سورہ ابعالی علم



اولور

« خصوص مذكوره دائر فتاوى شريفة بك عريسي »



ما قول شيخ الاسلام ومفتى الانام دام مرجعاً للخاص والعام
في زيد المسلم اذا اتفق هو وحكومة الانكليز المحاربة للخلافة الاسلامية
ونهمض لاجراج بلاد مصر من حوزة الخلافة وادخالها في حوزة الانكليز
ونصب هو فيها ملكاً مستعيناً على ذلك بحمايتهم هل يكون بذلك خائناً
عدواً لله تعالى ورسوله وجماعة المسلمين

العلم

الحق

نعم يكون كذلك



« وهل اذا لم يتب من ذلك ويطع امير المؤمنين يعد باغياً ويهدر دمه ويجب

حينئذ على المسلمين كافة ان يقاتلوه كما قال الله تعالى « وقاتلوا التي تبغى حتى
تفى الى امر الله »

الى عالم

الحا

نعم يكون كذلك



وهل يكون حينئذ مستحقاً اشد العقوبات حتى القتل جزاء خيائته وبغيه.

الى عالم

الحا

نعم يكون هكذا



صلوات، جمعہ :

بر جامع شریفده خطیب اولان زید صلوٰۃ جمعه ایچون خطبه قرائت ایدر اولدقده خطبه نیتیه آنجق «الحمد لله» یا «الا اله الا الله» یا خود «سبحان الله» دیوب ماعدانسنه اوقوماسه فرض اولان خطبه ادا ایدلمش اولورمی الجواب : اولور .

بو صورتده اول وجهله ادا اولنان خطبه مکروهه اولورمی الجواب : اولور .

*
**

مقدما اقامه جمعه وعیدینه اذن سلطانی صادر اولان بر جامع شریفک خطیبی موجود اولمادیقی کی اقامه مذکوریه مأذون بر کمنه دخی بولنمادیقی صورتده ضروره جمعه جماعت برنی انتخاب ایدرک صلوٰۃ جمعه وعیدینی ادا ایتملی جائز اولورمی الجواب : اولور .

*
**

بر جامع شریفک خطابتی محلول اولدقده قاضی خطابت مزبوریه زیده توجیه ایدوب برات ایتدیرمک ایچون یدینه عرض و یروب زید واروب اول عرضی برات ایتدیرمدین ایتدیکی خطابت جائز اولورمی الجواب : اولور .

*
**

صوم :

زید تهار رمضانده بلاعذر متعمداً و علناً اکل و شرب ایلسه زیدک قتلی مشروع اولورمی

الجواب : اولور .

*
**

نکاح :

زید هنده «هرنه زمان سنی تزوج ایدرایسم بدن بوش اول» دیوب بعده هندی تزوج حراد ایتدکده بر کمنه هندی زیده فضولاً نکاح ایدوب زید دخی آنجق فعلیه قبول ایلسه هند بوش اولماغه مخلص شرعی اولورمی الجواب : اولور .

*
**

زید ذات حیض اولان زوجه مدخول بهاسی هندی باینآ تطلیق ایتدکدنصکره التمش
کون تمامنده هند نفسی عمروه تزویج مراد ایتدکده « اوچ حیض کوروبعدتم منقضیه
اولدی، دیسه عمروه هنده اینانجق هندی تزوج ایتک جائز اولورمی الجواب : اولور .

*
**

زیدک زوجهسی هنددن متولد اوغلی عمرو زیدک زوجه اخراسی زینبک زوج آخردن
متولده قری خدیجهی تزوج ایتک جائز اولورمی الجواب : اولور .

*
**

زید هند اجنیهی آخرت انا ایتدکدن صکره هندی تزوج ایتک جائز اولورمی
الجواب : اولور .

*
**

زیدمسلم کتابیه اولان هند حربیهی دارحربده تزوج ایتک مع الکراهه صحیح اولورمی
الجواب : اولور .

*
**

زید زوجهسی هندی زوجه اخراسی زینب ایل بر اوطهده اسکان ایلسه هند راضیه
اولیوب زیده «بی غلق و مصراقی بشقه آخر بر اوطهده اسکان ایل» دیمکه قادره اولورمی
الجواب : اولور .

*
**

زید طلاق رجعیله مطلقهسی هندی عدتی ایچنده شو قدر اچمه مهر تسمیه سیله تزوج
ایلسه مهر مزبور زید اوزرینه واجب اولورمی الجواب : اولماز .

*
**

زید هندی شو قدر غروش مهر معجل تسمیه سیله تزوج ایدوب بعده مهر مذکوری
ویرمدین هنده دخول ایلسه هند مهر مزبوری قبض ایدنجهیه دکن نفسی زیددن منع
ایتکه قادره اولورمی الجواب : اولور .

بو صورتده هند نفسنی زیددن منع ایتمکه هندك نفقه و کسوه سی زیددن ساقط اولورمی

الجواب : اولماز .

*
**

زید هندی شو قدر اچقه مهر معجل وشو قدر اچقه مهر مؤجل تسمیه سیله تزوج ایدوب بعده زید هنده نسنه ویرمدین قبل الدخول والخلوه هندی تطلیق ایلسه هند تسمیه اولنان مهر معجل ومؤجلك نصفارینی زیددن آلمغه قادره اولورمی الجواب : اولور .

*
**

رضاع :

هند قزی زینب ایله زیدی مدت رضاعده ارضاع ایلسه زید هندك آخر قزی خدیجه بی تزوج ایتك شرعاً جائز اولورمی الجواب : اولماز .

*
**

زید رضاعاً قز قزنداشی هندی تزوج ایتك جائز اولورمی الجواب : اولماز .
بو صورتده زید بیلمامکه هندی شو قدر اچقه مهر تسمیه سیله تزوج ووطی ایدوب بعده رضاع بینه ایله ثابت اولوب هند یددن تفریق اولنسه هند مهر مثل ایله مسلمان اقلنی زیددن آلمغه قادره اولورمی الجواب : اولور .

*
**

زید رضاعاً قزی هندك نسباً قز قزنداشی زینبی تزوج ایتك جائز اولورمی الجواب :

اولور

*
**

زیدك زوجہ سی هند زیددن اولان سود ایله عمروك قزی زینبی مدت رضاعده ارضاع ایلسه زیدك زوجہ اخرا دن اولان اوغلی بکر زینبی تزوج ایتك جائز اولورمی

الجواب : اولماز

*
**

زید هندی تزوج ایتدکدن صکره هندک اناسی زینب « بن زیدی مدت رضاعده ارضاع
ایتمشیدم » دیسه مجرد زینب بویه دیمکله رضاع ثابت اولمادیغندن هندی زیددن تفریق
لازم اولیوب لکن زینب تھے اولیجق زید هندی تنزهاً تطلیق ایتمک اولی اولورمی
الجواب : اولور

*
**

طلاق :
زید زوجهٔ مدخول بهاسی هندی طلاق رجعی ایله تطلیق ایتدکدن صکره طلاق
اخیر اولمایجق زید هنده عدتی ایچنده مراجعت ایدوب تجدید نکاح ایتمدین هند ایله
ازواج معامله سنه قادر اولورمی الجواب : اولور

*
**

زید زوجه سی هنده « سنی بر اقدم » دیسه هند زیددن مبانه اولورمی الجواب اولور

*
**

زید زوجه سی هند ایله چکشدکده « واریقل کیت » دیوب لکن طلاق نیت ایتماسه
هند مبانه اولورمی الجواب : اولور

*
**

زید زوجهٔ مدخول بهاسی هند حره یی ایکی طلاق رجعی ایله تطلیق ایتدکدن صکره
زید هنده عدتی ایچنده مراجعت ایدوب تجدید نکاح ایتمدین هند ایله ازواج معامله سنه
قادر اولورمی الجواب : اولور

*
**

زید زوجهٔ مدخول بهاسی هندی ایکی دفعه طلاق رجعیله تطلیق وهر دفعه ده عدتی
ایچنده مراجعت ایتدکدن صکره ینه تطلیق ایلسه حالا زید هندی بلا حله تزوجه قادر اولورمی
الجواب : اولور

*
**

«شرط اولسون» دیمک «عورتیم بوش اولسون» دیمک معناسنه متعارف اولان بلده اها ایستندن زید زوجه مدخول بهاسی هنده «بوندن صکره نیم اذیمسز باباک عمروک منزله کیدر ایسهک اوچدن طقوزه قدر شرط اولسون» دیدکدن صکره هند زیدک اذیمسز عمروک منزله کیتسه هند زیددن اوچ طلاق ایله بوش اولورمی الجواب : اولور

*
**

زید زوجهسی هندی اوچ طلاق ایله تطلیقه عمروی توکیل ایتیمکه عمرو دخی هندی اوچ طلاق ایله تطلیق ایله زید هندی حله ایتدرمدین تزوج ایتیمک جائز اولورمی الجواب : اولماز

*
**

زید زوجهسی هنده «والدهک زینب منزله کلورسه سنی براغورم» دیوب بعده زینب زیدک منزله وارسه مجرد زید بویه دیمکه هند زیددن بوش اولورمی الجواب : اولماز

*
**

زید مجنون جنونی حالده زوجهسی هنده «بندن اوچ طلاق بوش اول» دیسه هند اوچ طلاق بوش اولورمی الجواب : اولماز

*
**

زید زوجه مدخول بهاسی هندی طلاق رجعی ایله تطلیق ایتدکدن صکره «اگر هندی بر کره دخی تزوج ایدر ایسه اوچ طلاق بوش اولسون» دیوب بعده زید هنده عدتی ایچنده مراجعت ایله شرط مزبوره بناءً هند زیددن اوچ طلاق بوش اولورمی الجواب : اولماز

*
**

زید زوجه مدخول بهاسی هنده «بندن بوش اول» دیدکدن صکره عدتی ایچنده زید هنده «اوچ طلاق بوش اول» دیسه زید هندی بلا حله تزوجه قادر اولورمی الجواب : اولماز

*
**

زید زوجهٔ مدخول بهاسی هنده «بندن بوش اول» دید کد نصکره عدتی ایچنده بر ساعت
مرورنده زید هنده «اوچ طلاق بوش اول» دیسه زید هندی بلا حله تزوجه قادرا اولورمی الجواب :
اولماز

* *

زید زوجهسی هند حره بی مادون ثلاث ایله باینآ تطلیق ایلسه زید هندی رضاسیله
بلا حله تزوجه قادرا اولورمی الجواب : اولور

* *

زید زوجهٔ مدخول بهاسی هنده خطاباً «سنی آلامق شرطیله بوشادم» دیسه واقع اولان
طلاق رجعی اولمایوب باین اولورمی الجواب : اولور

* *

زید زوجهسی هندی تطلیقه عمروی توکیل ایدوب عمرودخی وکالتی قبول ایتدکنه
نصکره عمرو وکالت مرقومه یه بناءً هندی اوچ طلاق ایله تطلیق ایلسه زید ثلثه یه توکیلی
نیت ایتدیجک هند زیددن بوش اولورمی الجواب : اولماز

* *

«سنی ترک ایتدم» دیمک طلاق زوجهده متعارف اولان بلده اها یلسندن زید
زوجهٔ مدخول بهاسی هنده «اوچ دفعه بن سنی ترک ایتدم چیق» دیسه هند زیددن اوچ طلاق
بوش اولورمی الجواب : اولور

* *

زید محرماندن اولان برشیی طایعاً اکل ویا شربدن طولانی سکران ایکن زوجهسی
هندی طلاق ثلاثه ایله تطلیق ایلسه هند زیددن اوچ طلاق بوش اولورمی الجواب : اولور

* *

هند حامل زوجی زید ایله مهری و نفقهٔ عدتی اوزرینه خلع اولدق نصکره هند نادمه
اولوب زیددن مهر و نفقه نامنه نسنه آلفه قادره اولورمی الجواب : اولماز

* *

زید آخر دیاره کیتدکده زوجہ سی ہندہ معنون و مرسوم مکتوب یازوب مکتوبندہ
«بندن بوش اول» دیو تحریر و مکتوبی ہندہ ارسال ایلسہ ہند بوش اولورمی الجواب : اولور

*
**

مجرد اولان زید «فلان فعلی ایشلرایسہم آلوب آلاجم بوش اولسون» دید کدنصرہ اول
فعلی ایشلیوب بعدہ ہندی تزوج مراد ایتدکده برکسنہ ہندی زیدہ فضولاً نکاح ایدوب
زید دخی آنجق فعایلہ قبول ایلسہ ہند بوش اولماغہ مخلص شرعی اولورمی الجواب :

اولور

*
**

زید زوجہ سی ہند حاملی تطلیق ایتد کدنصرہ ہند مستین الخلقہ بر جنین میت القا ایلسہ
ہندک عدتی منقضیہ اولورمی الجواب : اولور

*
**

ہند او قویوب یازمق بیلمیان زوجی زیددن «سن بکا معنون و مرسوم مکتوب
یازوب مکتوبندہ بندن اوچ طلاق بوش اول یازدیروب بعدہ مکتوبی مہرلیوب عمرو
ایلہ بکا ارسال ایتککہ بن سندن اوچ طلاق بوش اولدم» دیو دعوی و تقریرینہ مطابق
مکتوبی ابراز ایتدکده زید «بن کاتبہ بر طلاق تحریر ایلہ دیو امر ایدوب لکن کاتب
مکتوبندہ امر سنز اوچ طلاق تحریر ایدوب بعدہ بکا بر طلاق اولمق اوزرہ او قویوب
بن دخی بر طلاق تحریر اولمش ظنیلہ مکتوبی مہرلشدم» دیوب اوچ طلاق تحریرینہ امرینی
انکار ایدوب وجہ محرر اوزرہ امری ثابت اولماسہ ہند مجرد «یدمدہ مکتوب واردر»
دیو زیددن اوچ طلاق بوش اولورمی الجواب : اولور

*
**

زید زوجہ مدخول بہاسی ہندہ «بوش اول» دیوب بعدہ زید ہندہ مراجعت ایتیموب
ہندک عدتی منقضیہ اولدقدن صکرہ زید تجدید نکاح مراد ایتدکده ہند امتناع ایلسہ
زید ہندہ «نفسکی بکا تزویج ایلہ» دیو جبرہ قادر اولورمی الجواب : اولور

*
**

زید زوجهٔ مدخول بهاسی هنده «بوش اول» دیسه طلاق اخیر اولمایحق زید هنده
عدتی ایچنده مراجعت ایدوب تجدید نکاح ایتدین هند ایله ازواج معامله سنه قادر اولورمی
الجواب : اولور .

*
**

زید آخر دیاره کیتدکن صکره زوجهٔ مدخول بهاسی هنده معنون و مرسوم
مکتوب یازوب مکتوبنده «بوش اول» دیو تحریر و مکتوبی هنده ارسال ایلسه واقع اولان
طلاق یاین اولیوب رجعی اولورمی الجواب : اولور .

بوصورتده طلاق اخیر اولمایحق زید هنده عدتی ایچنده مراجعت ایدوب تجدید
نکاح ایتدین هند ایله ازواج معامله سنه قادر اولورمی الجواب : اولور .

*
**

زید هندی تزوج ایدر اولدقده طلاق امری هندك یدنده اولوب دیلیدیکی وقتده
کندوبی تطلیق ایتک اوزره تزوج ایلسه ایجاب هند طرفدن اولیجق هند نفسی تطلیقه
قادره اولورمی الجواب : اولور .

*
**

حضانه:

زید زوجه سی هندی تطلیق ایتدکن صکره هند زیددن اولوب درت بش یاشنده
اولان صغیر اوغلی عمروی بحق الحضانه آلوب تربیه ایتک مراد ایتدکده زید «بن امسا که
اولایم» دیویر مامکه قادر اولورمی الجواب : اولور .

*
**

هند صغیره نك حق حضانه سی باباسی زیدك اولیوب اتاسنك اتاسی زینك اولورمی

الجواب : اولور .

*
**

زید صغیرك حق حضانه سی باباسنك اناسی هندك اولیوب اناسی زینك اولورمی
الجواب : اولور .

*
**

زید صغیرك حق حضانه سی اناسنك باباسی عمروك اولیوب عمه سی هندك اولورمی
الجواب : اولور .

*
**

زید صغیرك اناسنك اناسی وحاضنه سی هند صغیرك مالی اولماق له صغیرك باباسی عمرو
موسر اوزرینه نفقه تقدیر ایتدیروب بساركن صغیرك لابوین عمه سی زینب ۛ بن کندی
مالدن بسلم ۛ دیو صغیری هنددن آلمغه قادره اولورمی الجواب : اولماز .

*
**

درد بش یاشنده اولان هند صغیره یی اناسی زینب بحق الحضانه تربیه اوزره ایکن
زینبدن حق حضانه ساقط اولمدين هندك باباسی زید هندی زینبدن آلمغه قادر اولورمی
الجواب : اولماز .

*
**

زید صغیرك حق حضانه سی باباسنك اناسی هندك اولیوب اناسی زینك اولورمی
الجواب : اولور .

*
**

نفقه :

طلبة علوم شرعیه نك صلحاسندن وارباب استعدادندن اولوب تحصیل علوم نافعیه
اشتغالی سبيله كسبدن عاجز اولان زید كییر فقیرك نفقه سی باباسی عمرو موسر اوزرینه
لازمه اولورمی الجواب : اولور .

*
**

هند فقیره نك نفقه سی لابوین خاله سی اوغلی زید اوزرینه لازمه اولورمی الجواب :
اولماز .

*
**

زوجی اولیان هند فقیره بالغه نك نفقه سی باباسی زید اوزرینه لازمه اولورمی الجواب :

اولور .

*
**

کسه قادر اولیوب علیل اولان زید فقیرک لابوین عمی اوغلی عمرو موسردن غیری
کمنه سی اولماسه زیدک نفقه سی عمرو اوزرینه لازمه اولورمی الجواب : اولماز .

*
**

زیدک زوجہ سی هند زیدک منزلدن زیدک اذنسز بغیر حق خروج ایدوب زوج
آخردن اولان اوغلنک اوغلی عمروک منزلنه واردقده قاضی به زید اوزینه نفقه تقدیر
ایتدیروب بر مدت عمروک منزلده ناشزه ساکنه اولسه هند نفقه مقدره نی زیددن
آلغه قادره اولورمی الجواب : اولماز .

*
**

هند زوجی زید ایله مهری وعدتی حیض ایله منقضیه اولق اعتقادیه نفقه عدتی
اوزرینه خلع اولدقده نصکره هندک زیددن حملی ظاهر اولسه هند وضع حمل ایدنجہ به دیک
زیددن نفقه المغه قادره اولورمی الجواب : اولور .

*
**

زید زوجہ سی هندی بلانفقه براغوب آخر دیارہ کیتمکه هند قاضی به واروب زید
اوزرینه کندویه قدر معروف یومی شوقدر اچہ نفقه تقدیر ایتدیروب بعده بر مدت
کندی مالیه کچنسه زیدک کدکه هند نفقه مقدره نی زیددن آلمغه قادره اولورمی الجواب :

اولور .

*
**

زوجی اولیان هند فقیره نك لابوین ارقنداشی زیدموسردن غیری کسنه سی اولماسه
هندك نفقه سی زید اوزرینه لازمه اولورمی الجواب : اولور .

* *

زیدزوجه سی هندی واولاد صغاری بلا نفقه براغوب آخره دیاره کیدوب خرچلق
دخی کوندرماسه زیدك باباسی عمرو موسر زیده رجوع ایتك اوزره هندی وصغاری
اتفاق ایتكکه مجبور اولورمی الجواب : اولور .

*
* *

زید صغیر فقیرك اناسی هند ایله لابوین عمی عمرودن غیری کسنه سی اولیبولکن
هند معسره اولوب عمرو موسر اولسه صغیرك نفقه سی عمرو اوزرینه لازمه اولورمی
الجواب : اولور .

*
* *

زیدك زوجة مدخول بهاسی هند زید ایله مهری و نفقه عدتی اوزرینه خلع اولدقدن
صکره هند «خلع مزبور اکراه معتبر ایله اولمشیدی» دیو قبل انقضاء العده دعوی واکراه
معتبری اثبات ایدیجك مهر مزبور ایله منقضیه اولیان عدتنك نفقه سی زیددن المعه قاده
اولورمی الجواب : اولور .

*
* *

وصیت، وصایت:

زید وصیتی اولدینی صغیرك مالندن صغیرك مصارقه قدر معروفدن زیاده فاحشه ایله
زائد شوقدراچه صرف ایله زیده اول زیاده بی ضمان لازم اولورمی الجواب : اولور .

*
* *

زید ثلث مالی چشمه یه محتاج بولنان محله چشمه اشنا وصو اساله سی ایچون وصیت
ایدوب تنفیذینه عمروی وصی مختار نصب وتعیین ایلدکدنصکره مصر آفوت اولسه وصیت
هذ کوره زیدك ذم ناسده اولان مبالغتك ثلثه دخی شامل اولورمی الجواب : اولور .

بوصورتده عمرو وصیتی قبل التنفیذ^۱ آخرینی وصی تعیین ایتمکسزین وفات ایلسه
حاکم طرفدن وصی تعیین اولنان بکر زیدک اموال موجوده سنک ثلثی و آلاچغندن
تحصیل اولنان مبالغک ثلثی قبض ایدوب وجه شرعی اوزره وصیتی تنفیذه قادر اولورمی
الجواب : اولور .

*
**

زید صغیره قاضی عمروی وصی نصب ایتدکنصکره زید رشید اولدینی حالده بالغ
اولدقده عمروک یدنده اولان مالی عمرودن آلمغه قادر اولورمی الجواب : اولور .
بوصورتده زید بالغ ورشید اولدقدنصکره بعض اشیاسنی بکره بیع ایلسه « مجرد
رشدمه حکم شرعی اولمدین واقع اولان بیع صحیح اولمامغله اشیاء مزبورہنی بکردن
آلورم » دیمکه قادر اولورمی الجواب : اولماز .

*
**

زید مرض موتنده « فوتدنصکره ثلث مال وقف اولوب غلہ سنی فلان جهت بره صرف
اولنه » دیو وصیت وتنفیذینه عمروی وصی نصب ایتدکن صکره زید مصرأ فوت اولمغله
عمرو ترکهک ثلثی قبض ایدوب استرباح ایلسه عمرو ربح مزبور ی اول جهت صرف
ایتمیوب جهت اخرایه صرفه قادر اولورمی الجواب : اولماز .

*
**

وقف :
بروقفه مشروطیت اوزره متولی اولان زیدک محاسبه سنی کورملک لازم اولمغله حاکم
زیدک محاسبه سنی کورملک ایستدکده زید « بن مشروطیت اوزره متولی اولممله محاسبه سنی کوردرم »
دیو امتناعه قادر اولورمی الجواب : اولماز .

*
**

مستغلاتی تقود یا مسقفات یا اراضی اولوب اوقاف لازمه دن اولان وقفک زواندی
کمسنهیه مشروطه اولمامغله متولیسى وقف ایچون حفظ اوزره ایکن امین بیت المال
زواند مزبورہنی « بیت الماله عاندهدر » دیو متولیدن آلمغه قادر اولورمی الجواب : اولماز .

*
**

تولیتی واقفک بطناً بعد بطن اولادینه و اولاد اولادینه مشروطه وقفک تولیتند
واقفک اولادندن بطن اولدن اولان زیده بطن نانیدن اولان عمرو مشارکتہ قادراولورمی
الجواب : اولماز .

*
**

زید واقف وقفیه سندہ متولی معرفتیلہ «هرسنه فلان آیدہ فلان محلده شو قدر
غروش صرفله طبخ عاشورا و اطعام فقرا اولنسون» دیو شرط ایتیشکن متولی اولقدر
غروشی فقرا یه تصدق ایتک جائز اولورمی الجواب : اولور .

*
**

بر محلده واقع وقف چشمه یه واقف بورمه لوله وضع ایتیش اولیوب صوبی قدیمدن
لیل ونهار جریان ایدوب تلف اولغله اهالی محلدهن زیدلوله دن طشره آقوب تلف اولان
صوبی منزله اجرا ایتک ایستدکده سائر اهالی بغیر وجه زیدی منه قادر اولورلرمی
الجواب : اولماز .

*
**

بالاجارتین تصرف اونان مسقفات موقوفه یی فراغ ایجار اولورمی الجواب : اولور .

*
**

زید بروقف عرصه اوزرینه متولی اذنتسز مالیه منزل بنا ایتدکده وقف ایچون
یا نفیس ایچون بنا ایتدیکنی بیان ایلماسه اول بنا مستحق القلع اولدینی حالده زیدک ملکی
اولورمی الجواب : اولور .

*
**

بیع :

زیدک باغچه سینک برنهردن حق شربی اولغله زید آنجیق حق شربی عمروه ثمن
معلومه بیع وقبض ثمن ایلسه بیع مزبور صحیح اولورمی الجواب : اولماز .
بوصورتده زید ثمن مزبوری عمروه رد ایدوب نهر مرقومدن باغچه سنی کالاول
سقی ایتکده قادر اولورمی الجواب : اولور .

*
**

زید هندك ملك منزلی فضولاً عمروه بیع وتسلیم عمرو دخی زیدك فضولاً بیع
ایتدیکنی بیلورکن اشترا وقبض ایدوب منزل مزبورده بنا احداث ایتدکن صکره
هند بیعی مجیزه اولیوب منزلی الدقهده عمروه احداث ایتدیکم بنائی مبنیاً آلوب قیمتی
بکاویر « دیو زیده - جبره . قادر اولورمی الجواب : اولماز .

*
**

هند مرض موتنده ملك منزلی زوجی زیده ثمن معلومه بیع ایتدکن صکره هند
فوت اولسه سائر ورثه سی بیعی طوتمایوب اول منزلی میراثه ادخاله قادر اولورلرمی الجواب :
اولورلر .

*
**

زید ملك منزلی دائمی عمروه دخی مقابله سنده وفاء بیع وتسلیم ایتدکن صکره
زید فوت اولسه ورثه سی اداء دین ایدوب منزلی عمرودن آلمغه قادر اولورلرمی الجواب :
اولورلر .

*
**

اجاره :
اجرت ایله خدمت ایدر مقوله سندن اولیان زید اجرت قولنسز بر مدت عمروه
خدمت ایلسه زید عمرودن اجرت نامنه سنه آلمغه قادر اولورمی الجواب : اولماز .

*
**

زید وصیتی اولدینی صغیرك ملك عقارینی عمروه اجر مثلندن تقصان فاحش ایله
ایجار وتسلیم ایدوب عمرو دخی بر مدت ضبط وتصرف ایتدکن صکره صغیر بالغ اولوب
اول عقاری عمرودن آلدقهده اول عقارك مدت مزبورده ده اجر مثلی عمروه تکمیل
ایتدیرمکه قادر اولورمی الجواب : اولور .

*
**

کیفالت :
زید عمروك بردیشنی خطاء قلع ایدوب زیدك اوزرینه دیت سن ایله حکم اولندقدن

صکره بکر دیت مرقومه یه کفیل اولسه عمرودیت مذکورہ بی بکردن المغه قادر اولورمی
الجواب : اولور .

*
**

هیه :
هند مالک اولدیغم جمیع اشیا م زوجم زید کدر دیوب بعده تسلیم و قبض بولندین هند
فوت اولسه هیه مزبورہ باطلہ اولورمی الجواب : اولور .

*
**

زید ملک منزلی اولنجه یه دک کندوی بسلمک اوزره هندہ هیه و تسلیم ایدوب بعده
هند فوت اولوب ورثه سنی ترک ایلسه زید منزل مزبورہ ورثه دن المغه قادر اولورمی
الجواب : اولور .

*
**

زید مرض موتنده ملک منزلی اوغلی عمرو کیره هیه و تسلیم ایتدکن صکره زید
فوت اولسه سائر ورثه سی هیه بی طوتموب اول منزلی میراثہ ادخاله قادر اولورلرمی
الجواب : اولورلر .

*
**

هند معتوہه شو قدر املا کنی زیدہ هیه و تسلیم ایلسه هیه مزبورہ صحیحہ اولورمی
الجواب : اوللار .

*
**

زید مرض موتنده بر مقدار اشیا سنی عمرو اجنبی یه هیه ایدوب لکن تسلیم و قبض
بولندین زید فوت اولسه عمرو مجرد هیه ایتدی دیو اشیا مزبورہ بی المغه قادر اولورمی
الجواب : اوللار .

*
**

زید قابل قسمت اولان ملک باغچه سنی زوجہ سی هند و کیره قیزی زینہ هر برینک
حصه سنی افراز و تعین ایتدین شایعاً هیه و شایعاً تسلیم ایلسه هیه مزبورہ صحیحہ و تامه
اولورمی الجواب : اوللار .

*
**

زید سخته زوجه سی هنده «آل طاقن» دیو بر بیله زیك و یروب هند دخی طاققدن
صکره زید فوت اولسه سائر ورثه سی اول بیله زیکی میراثه ادخاله قادر اولور رمی
الجواب : اولماز .

*
**

امر :
امر مجردی اکراه اولیان زید عمروه «بکرك منزلی هدم ایله» دیو امر ایدوب عمرو
دخی بکرك منزلی هدم و نقضی استهلاك ایلسه بکر بناء مهدومک مبنیاً قیمتی عمروه
تضمین ایتیموب زیده مجرد امر ایتمکه «سن ضامن اول» دیمکه قادر اولور رمی الجواب : اولماز .

*
**

هند زوجی زیده «مصارف بیتیه صرف ایله» دیو ویردیکی آقچه یی المدین زید فوت
اولسه حالا هند مبلغ مزبورى تركه وافیة زیددن المغه قادره اولور رمی الجواب : اولماز .

*
**

دعوى :
هند بر منزلی قزی زینبک مواجهه سنده قز قرنداشی خدیجه یه هبه و تسلیم ایتدکه
زینب سکوت ایلسه حالا زینب خدیجه دن «هند منزل مزبورى سکا هبه ایتردن مقدم
بکا هبه و تسلیم ایتشیدی» دیو دعوى ایتدکه خدیجه مجرد حین هبه ده سکوت ایتمکه
دعواک مسموعه اولماز دیو زینبی دعوا دن منعه قادره اولور رمی الجواب : اولماز .

*
**

مرور زمان :
اون بش سنه بلا عذر ترك اولنان میراث دعوا سی خصم انکار ایدیجک بلا امر
مسموعه اولور رمی الجواب : اولماز .

*
**

زید متوفانک زوجه سی هند زیدک سائر ورثه سیله تركه زیدی اقتسام ایدوب بعده
هند سائر ورثه ایله بر بلده ده اون بش سنه ساکنه اولوب هند بومدته بلا عذر سکوت

ایتدکدنصکره حالا هندزیده «ذمتده شو قدر اچقه مهرم واردر» دیوساثر ورثه دن دعوی ایلسه ساثر ورثه انکار ایدیجک بلا امر مسموعه اولورمی الجواب : اولماز .

*
**

زید بر عرصه یه عمروک مواجهه سنده اون بش سنه ملیت اوزره متصرف اولوب عمرو بو مدتده بلا عذر سکوت ایتمشیکن حالا عمرو عرصه مزبوره سنین مزبوره دن مقدم ملکمدر دیو زیددن دعوی ایلسه زید انکار ایدیجک بلا امر مسموعه اولورمی الجواب : اولماز .

*
**

زید عمرو ذمتده اولان شو قدر اچقه حقنی طلب ایتیوب اون بش سنه مرور ایلسه حالا زید مبلغ مزبوری عمرودن طلب ایتدکده عمرو معترف ایکن مجرد «اون بش سنه مرور ایتکله حقک ساقط اولمش اولور» دیو ویرمامکه قادر اولورمی الجواب : اولماز .

*
**

بر محلدن نبوع ایدن صوقواتنه تبعیت ایله التمش سنه دن متجاوز بروقف چشمه نك متولیلری مواجهه لرنده بحق زیدک منزله جریان ایدوب اول چشمه متولیلری بومدتده بلا عذر سکوت ایتمشلر ایکن حالا زید منزل مزبوری اول صو ایله عمروه بیع وتسلیم ایدوب عمرو دخی ضبط مراد ایتدکده اول چشمه نك حالا متولیلی اولان بکر اول صو سنین مزبوره دن مقدم متولیلی اولدیغم وقف چشمه یه جریان ایدر ایدی دیو عمرودن دعوی ایلسه مسموعه اولورمی الجواب : اولماز .

*
**

شهادت :

زید عمرودن جهت کفالتدن الی غروش جهت قرضدن دخی یوز غروش دعوی ایدوب شاهدلر سبب دینی بیان ایتیه رک یوز الی غروش دینی اولدیغنه شهادت ایلسلر شهادتلری مقبوله اولورمی - الجواب : اولور .

*
**

مفقود:

زید موقع حریده اعداء ایله محاربه ایتدکدنصکره مفقود اولوب حیاتی و مماتی معلوم اولماسه زیدک مماتی غالب ظن اوله جق مرتبه مدت مرورندنصکره موتیه حکم اولنمق صحیح اولورمی الجواب : اولور .

بوصورتده زیدک موتیه حکمک لحوقندنصکره زوجه سی هند بعد انتضاء العده نفسی آخره تزویج و ورثه سی ترکه سی مسئله میراثلری وجهله تقسیم ایتمه قادر اولورلری الجواب : اولورلر .

*
**

شقی:

زیدک زوجه مدخول بهاسی هندک آخر زوجندن اولان قزی زینب زیده محرم اولوب خوف فتنه اولمایحق کورنمک جائز اولورمی الجواب : اولور .

*
**

زید مسلم حق سبحانه و تعالی حضرتلرینک حاشامکانده اولماسن اعتقاد ایدرایسه عمروه تجدید ایمان و نکاح لازم اولورمی الجواب : اولور .

*
**

زید عمروده معامله قصدیه و یردیککی اچه سیچون الزام ربج ایتدین عمرودن ربج نامنه نسنه المنه قادر اولورمی الجواب اولماز .

*
**

زید هنده نامزد اولدقده هنده مهر معجل نامنه شو قدر اشیا کوندرروب بعده هندی تزوجدن فارغ اولسه زید اشیا مزبوره یی هنددن استرداد قادر اولورمی الجواب : اولور .

*
**

زیدک قرنداشی عمرو بکرک قزی هندی تزوج مراد ایتدکده بکر زیده « مالکدن بکا نفسم ایچون یوز اون غروش و یرمینجه هندی عمروه نکاح ایتدیرم » دیمکه زید

مالندن بکره تفسیچون یوز اون غروش ویروب بعده عمرو هندی تزوج ایلسه زید مبلغ مزبورى بکردن استرداده قادر اولورمى الجواب : اولور .

*
**

تابعیت :

تبعه اجنیه دن اولوب مستأنه اولان هند غیر مسلمه نفسى تبعه دولتیله اسلامیة دن زید غیر مسلمه تزویج ایلسه هند تبعه دولتیله اسلامیة دن اولمش اولورمى الجواب : اولور .

*
**

تبعه اجنیه دن اولان زید غیر مسلم ینه تبعه مذکورہ دن هند غیر مسلمہ بی دار اسلامده تزوج ایتد کد نصرکه زید تابعیت دولتیله اسلامیة به دخالت ایدوب بعده تبعه مشارالیه دن ایکن فوت اولسه هند تابعیت دولتیله اسلامیة به دخالت ایتماسه بیله زوجنه تبعه مشارالیه دن اولمش اولورمى الجواب : اولور .

*
**

تبعه اجنیه دن اولان زید غیر مسلم ینه تبعه مذکورہ دن هند غیر مسلمہ بی تزوج ایتد کد نصرکه زید تابعیت دولت علیه اسلامیة به دخالت ایدوب بعده تبعه مشارالیه دن ایکن فوت اولسه هند تابعیت دولت علیه اسلامیة به دخالت ایتماسه بیله زوجنه تبعه مشارالیه دن اولمش اولمغله زیده وارثه اولورمى الجواب : اولور .

*
**

دیات :

زیدک زوجہ سی هند حامل زیدک اذنیله اسقاط جنین ایچون علاج ایتمکله مستین الخلقه برجنین القا ایلسه هندک عاقله سنه یا هنده دیت یا غره لازمه اولورمى الجواب : اولماز .

*
**

اراضی ، فراغ :

زید اراضی امیریہ دن طابو ایله تصرفنده اولان تارلا بی عمروه فراغ وتسلیم ایدوب لکن اذن صاحب ارض بولنماسه فراغ مزبور معتبر اولورمى الجواب : اولماز .

بو صورتده اذن صاحب ارض بولمدين زید فوت اولوب انجق اوغلی بکری وقزی
هندی ترک ایتدکده مزبورلر بر موجب امر سلطانی اول تارلانک خرج انتقالی صاحب
ارضه ادا ایله اول تارلانی عمرودن آلوب بلابدل ضبط ایتک ایستدکلرنده عمرو فراغ
مزبوره بناءً مزبورلری منه قادر اولورمی الجواب : اولمزر .

*
**

اراضی ، انتقال :

زید بیک ایکسوز سکسان درت سنهسی محرمک اون یدنجی کونی تاریخی فرمان
عالینک صدورندن مؤخر و بیک اوچیز اوتوز بر سنهسی ربیع الاولک بکرمی یدنجی
کونی تاریخی فرمان عالینک نشرندن مقدم اراضی موقوفه دن بدل عشر مقاطعه لو اشجاری
خدایی ثابت بر اورمانه طاپو ایله متصرف ایکن فوت اولوب اصحاب انتقالدن درجه ده
مقدم انجق اوغلی عمروی وقزی هندی ترک ایتدکده مزبورلر بر موجب امر سلطانی
اول اورمانک خرج انتقالی ویروب بلابدل سویاً ضبط ایتک ایستدکلرنده زیدک زوجہسی
مجرد اول اورمان مقاطعه لو اولغله «املاک کبی موروث اولور او یله اولیجق اول اورمانک
ثمنی بن ضبط ایدرم» دیمکه قادره اولورمی الجواب : اولمزر .

*
**

هند بیک ایکسوز سکسان درت سنهسی محرمک اون یدنجی کونی تاریخی فرمان
عالینک صدورندن مؤخر و بیک اوچیز اوتوز بر سنهسی ربیع الاولک بکرمی یدنجی
کونی تاریخی فرمان عالینک نشرندن مقدم تخصیصات قیلندن اولان اراضی موقوفه دن
بر تارلایه طاپو ایله متصرفه ایکن فوت اولوب انجق قزی زینبی و کندودن مقدم فیت
اولان اوغلنک قزی خدیجه بی ترک ایتدکده مزبوره لر بر موجب امر سلطانی اول تارلانک
خرج انتقالی ویروب بلابدل سویاً ضبطه قادره اولورلری الجواب : اولورلر .

*
**

زید بر قصبه خارچنده یری ارض مبری و اطرافنده طاش دیوار اولوب اطرافنده بر
قاج دیب جابجاملک اشجاری اولان باغچه سنک ایچنده اوتوز دونم مقداری جمله عرصه
بیضا اولوب صبان ایله زراعت اولنور اولسه حالا زید فوت اولوب انجق اوغلی عمروی
وقزی هندی ترک ایتدکده مزبورلر بر موجب امر سلطانی اول یرک خرج انتقالی
ویروب یالکز اول یری بلابدل سویاً ضبط ایتک اقتضا ایدرکن عمرو مجرد اول صبان

ایله زراعت اولئان اوتوز دونم خالی یرک اطرافنده طاش دیوار و جاجمالک اشجار اولمغله
اول یرک اوچ حصه دن ایکی حصه سنی بن ضبط ایدرم دیمکه قادر اولورمی الجواب : اولماز .

*
**

اراضی، حق قرار :

زید هندک طابو ایله تصرفنده اولان تارلای یکرمی سنه تغلباً ضبط ایلسه حالاهند
اول تارلای زیددن طلب ایتدکه زید معترف ایکن مجرد وجه محرر اوزره یکرمی سنه
ضبط ایتمله بنم ایچون حق تصرف ثابت اولمش اولور دیو ویرمامکه قادره اولورمی
الجواب : اولماز .



اجوبه شرعیه

« رشده داتر » [*]

زوجه زوجنک خانه سنده اقامته شرعاً مجبوره اولدینی کبی زوجة مزبوره زوجنک
اذنی اولمغسزین سبب شرعی موجود اولمادینی حالده زوجنک خانه سنی ترک ایده مز .
اگر ترک ایدرایسه تاشزه و عاصیه عد ایدیه جکندن فقهده ساقطه و زوجی ایله برلکده
بولمغه اجبار ایدلسی لازم اولور . محافظه عرض و ناموس ایسه برعائله ایچون برامردینی
اولمغله اعذار شرعیه دن بر عذر شرعی یه بناءً زوجنک خانه سندن چیمغه مجبور اولان
رشیده وکنج برقادین هر حالده اب ویا جدینک خانه سنده اقامت ایتسی اقتضا ایدر .
برقیز رشیداً بالغ اولدقن صوکره تأهل ایتمش اولسون اولماسون پدرینک حق ولایتی
ساقط اولور . فقط ذات الزوج اولدینی تقدیرده زوجنک خانه سنده اقامته مجبور اوله جنی کبی
ذات الزوج دکل ایسه محافظه ناموس ایچون پدری مزبوره بی نفسنه ضم ایدرک یا سنده اقامته
اجبار ایده بیلیر . مکرکه مزبوره یا شلی برقادین اوله . او حالده دیله دیکی یرده اقامت ایله بیلیر .

[*] درصعدات آوستریا و مجارستان سفارتندن بروجیه آئی وقوع بولان استفتا اوزرینه قنواخانه عالی دن ویریلان جوابدر .
اسئله :

ذات الزوج ورشیده اولان برقادین زوجی خانه سندن مشروع و غیر مشروع صورتده چیقار ایسه پدری خانه سنه
کیتمکه بر مجبورتی وارمیدر ؟

رشیده اولان برقادین تأهل ایتسیله پدرینک کندیسنده اولان حق ولایتی ساقط اولورمی ؟.